

HETAN KARTA KONDUSAUN MATADALAN BA TRABALLADÓR PASIFIKU IHA AUSTRÁLIA

Prosesu hodi hetan karta kondusaun iha Austrália depende ba ita-nia hela fatin – iha pasu diferente hodi hetan karta kondusaun iha kada estadu. Ita bele haree informasaun kona-ba oinsá bele hetan karta kondusaun iha tabela iha okos ne'e.

Australian Capital Territory (ACT)	Transport – Access Canberra: https://www.accesscanberra.act.gov.au/app/home/transport (prosesu hodi hetan karta kondusaun iha ACT mak diferente ho estadu/territóriu sira seluk iha Austrália)
New South Wales	Roads and Maritime Services: https://www.rms.nsw.gov.au/
Northern Territory	Department of Transport: https://nt.gov.au/driving
Queensland	Department of Transport and Main Roads: https://www.tmr.qld.gov.au/
South Australia	Department for Transport, Energy and Infrastructure: https://www.dpti.sa.gov.au/
Tasmania	Department of State Growth: https://www.stategrowth.tas.gov.au/
Victoria	VicRoads: https://www.vicroads.vic.gov.au/
Western Australia	Department of Transport: https://www.transport.wa.gov.au/



KAER KARRETA HO SEGURU

Bainhira ita kaer karreta iha Austrália, ita tenke garante responsabilidade no mantein seguransa. Importante tebes atu aprende regra sira kona-ba uza veíkulu iha estrada, ne'ebé bele diferente ho ita-nia nasaun rasik (hanesan kaer karreta iha parte liman karuk husi estrada). Regra sira mós diferente iha kada estadu ka territóriu, ho nune'e tenke aprende regra sira ne'ebé aplikavel iha ita-nia estadu/territóriu. Kuandu ita viola lei, dala ruma tenke selu multa. Iha kazu ne'ebé todan liu, ita bele lakon karta kondusaun ka hetan akuzasaun krime.

Iha fatin hotu-hotu iha Austrália, ilegal hodi kaer karreta bainhira ita hetan influénsia husi droga ka alkohol. Se ita kaer karreta bainhira iha influénsia husi droga ka alkohol bele hamosu risku sériu atu hakanek ita-nia an rasik ka ema seluk.

Bainhira ita sa'e veíkulu ida, ita tenke:

- Garante veíkulu ne'e iha kondisaun di'ak hodi uza
- planeia ita-nia viajen hodi hatene destinu
- garante ita la kole—sempre para no deskansa bainhira halo viajen naruk
- buka informasaun kona-ba trázitu no mudansa ba kondisaun sira iha estrada
- karik ita hatene ita sei hemu alkohol, planeia transporte ho nune'e la kaer karreta depoizde ita hemu alkohol.

Bainhira ita kaer karreta, ita tenke:

- uza sintu seguransa (konduatór no pasajeiru sira)
- halo tuir limite velocidade
- nunca bele uza telefone hodi ko'alia ka haruka mensajen
- halo tuir regra trázitu, halo tuir sinál trázitu no sinál iha estrada
- foka ba dalan – tenke konsentra
- uza estrada ne'e hamutuk ho konduatór sira seluk ho maneira seguru
- la'o neineik bainhira ema hadi'a dalan, besik eskola no fatin atravesa dalan komboiu nian.



Iha pergunta? Lembra katak ita bele ko'alia ho ita-nia xefe ekipa, empregadó, case worker ka bele telefone ba liña telefónica Pacific Labour Facility ne'ebé loke oras 24: 1800 51 51 31.